

Broj: 06-03-908/72/18
Mostar, 24.10.2018. godine

Na osnovu člana 17., člana 22. stav (1), stav (3) i stav (4) i člana 23. stav (1) tačka c) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 36. stav (1) tačka c) i tačka j), stav (4) i stav (6), te člana 37. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), postupajući po službenoj dužnosti u postupku privremenog oduzimanja Dozvole za rad (licence) za transport naftnih derivata drumskim saobraćajem broj 06-03-310/17/17 od 03.07.2017. godine imaocu dozvole E-TANK d.o.o. iz Ilidže, Zujevska 8, Sarajevo, Ilidža, Regulatorna komisija za energiju u Federaciji Bosne i Hercegovine – FERK je 24.10.2018. godine na XVIII redovnoj sjednici donijela sljedeće

RJEŠENJE

1. Imaocu dozvole E-TANK d.o.o. iz Ilidže privremeno se oduzima Dozvola za rad (licenca) za transport naftnih derivata drumskim saobraćajem broj 06-03-310/17/17 od 03.07.2017. godine izdata Rješenjem broj 06-03-310-06/17/17 od 03.07.2017. godine.
2. Nalaže se imaocu dozvole E-TANK d.o.o. iz Ilidže da do 23.11.2018. godine FERK-u dostavi dokaz o izvršenoj obavezi plaćanja regulatorne naknade za drugu godinu važenja dozvole za rad (licence) u iznosu od 1.000,00 KM, kako je utvrđeno Rješenjem iz tačke 1. ovog člana, a u suprotnom FERK će donijeti rješenje kojim se trajno oduzima dozvola za rad (licenca).
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 03.07.2017. godine FERK je Rješenjem broj 06-03-310-06/17/17 izdao Dozvolu za rad (licencu) za transport naftnih derivata drumskim saobraćajem broj 06-03-310/17/17 imaocu dozvole E-TANK d.o.o. iz Ilidže. Tačkom 4. i tačkom 5. navedenog rješenja određeno je kako je isti obavezan plaćati regulatornu naknadu u iznosu od 1.000,00 KM godišnje u periodu važenja dozvole za rad (licence), kao i da je isti obavezan regulatornu naknadu platiti za prvu godinu važenja dozvole u roku od 30 dana od dana primanja rješenja, a za svaku narednu godinu do 31.07. tekuće godine.

Kako imalac dozvole nije postupio u skladu sa navedenim rješenju, odnosno nije izvršio svoju obavezu plaćanja regulatorne naknade za drugu godinu važenja dozvole za rad (licence) u iznosu od 1.000,00 KM, FERK je istom u skladu sa članom 36. stav (2) i članom

41. tačka a) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede uputio Opomenu broj 06-08-781/18 od 04.09.2018. godine, u kojoj je istom ostavio rok od osam dana od prijema te opomene da otkloni navedene nedostatke, odnosno da u ostavljenom roku izvrši plaćanje regulatorne naknade za drugu godinu važenja dozvole za rad (licence) u ukupnom iznosu od 1.000,00 KM, te da dostavi detaljno obrazloženje razloga neplaćanja regulatorne naknade.

Međutim, ni nakon upućene opomene imalac dozvole nije otklonio navedene nedostatke, odnosno nije izvršio plaćanje regulatorne naknade za drugu godinu važenja dozvole za rad (licence).

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenci prije isteka njenog važenja može oduzeti privremeno ili trajno. Dalje, stavom (3) navedenog člana propisano je kako se postupak za oduzimanje licence obavlja na isti način kao i postupak za davanje licence, dok je stavom (4) istog člana propisano da postupku trajnog oduzimanja licence prethodi postupak privremenog oduzimanja licence.

Takođe, članom 36. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede propisani su razlozi oduzimanja dozvole za rad - licence, pa je stavom (1) tačka c) i tačka j) ovog člana propisano da će FERK istu oduzeti ukoliko imalac dozvole ne poštuje uslove i rokove utvrđene dozvolom za rad (licencom), te ukoliko ne plati regulatornu naknadu. Članom 37. stav (1) ovog pravilnika propisano je da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Na osnovu naprijed navedenih odredbi, FERK je odlučio izvršiti privremeno oduzimanje Dozvole za rad (licence) za transport naftnih derivata drumskim saobraćajem broj 06-03-310/17/17 od 03.07.2017. godine imaoću dozvole E-TANK d.o.o. iz Ilidže, obzirom da su ispunjeni svi propisani uslovi za privremeno oduzimanje dozvole za rad (licence).

Na osnovu navedenog, FERK je u skladu sa članom 36. stav (1) tačka c) i tačka j) i članom 37. stav (2) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, odlučio kao u dispozitivu ovog rješenja.

POUKA O PRAVNOM LIJEKU:

Protiv ovog rješenja E-TANK d.o.o. iz Ilidže može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić